

**Aningaasarsianit akileraarutit pillugit Inatsisartut  
inatsisaata allan-ngortinneqarneranik Inatsisartut  
inatsisaat (Aatsitassatigut pisuussutinik  
suliaqarnermut atatillugu akileraartussaatitaaneq,  
akeqanngitsumik biileqartitaanermik  
annertunerusumik akileraarusiineq,  
akileraartarnermi nalikilliliissutinik niuerneq  
aammalu akileraarutinik unerartitsisussaatitaasut  
ilaneqarneri)**

**§ 1**

Aningaasarsianit akileraarutit pillugit Inatsisartut inatsaanni nr. 12, 2. november 2006-imeersumi, kingusinnerpaamik Inatsisartut inatsisaatigut nr. 9, 5. december 2008-meersukkut allangortinneqartumi, makkua allangortinneqassapput:

**1. § 2-mi imm. 2-5 ilanngunneqassapput:**

"*Imm. 2. Suliffeqarfuit Kalaallit Nunaanni atortussiassat aatsitassanit pisut il.il. pillugit inatsit naapertorlugu akuersisummik nalunaarfigineqarsimasut, aatsitassatigut pisuussutinik misissueeqqaarnernut, misissueqqissaarnermut aammalu piaanermut atatillugu, tamatumani aamma nunamik sajuppillatsitsinertigut misissuinernut, ruujorilersuinermut, pilersuinermik sullissinermut atatillugu kiisalu umiarsuarmik assartuinermut aamma ruujorikkut kulbrintimik pissarsiarineqartumik assartuinikkut, isertitaqartut, taamatut ingerlataqarnikkut imaluunniit suliani Kalaallit Nunaanni, aamma nunap imartaani aammalu Kalaallit Nunaannut atasumik nunavittap immap ataaniittup nalaani, ingerlanneqartutigut, isertitanit killilimmik akileraartussaatitaapput. Isertitat aalajangersimasumik ingerlatsivinnut malittarisassat atuuttuusut, takukkit imm. 1, nr. 10 aammalu imm. 6-imi malittarisassat, malillugit naatsorsorneqassapput.*

*Imm. 3. Suliffeqarfuit aatsitassatigut pisuussutinik misissueqqissaarnermut piaanermullu attuumassuteqartunik, tamatumani aamma nunamik sajuppillatsitsinertigut misissuinermut, ruujorilersuinermut, pilersuinermik sullissinermut atatillugu kiisalu umiarsuarmik assartuinermut aamma kulbrintinik pissarsiarineqartunik ruujorikkoortitsinermut, isertitaqartut, taamatut ingerlataqarnikkut imaluunniit suliani Kalaallit Nunaanni aamma nunap imartaani aammalu Kalaallit Nunaannut atasumik nunavittap immap ataaniittup nalaani, ingerlanneqartutigut, isertitanit killilimmik*

akileraartussaatitaapput. Isertitat aalajangersimasumik ingerlatsivinnut malittarisassat atuuttusut, takukkit imm. 1, nr. 10, aammalu imm. 6-imi malittarisassat, malillugit naatsorsorneqassapput.

*Imm. 4. Imm. 3-mi aalajangersakkat atuutinngillat isertitat piffissami piffissaniluunniit qaammatit 12-it ingerlaneranni arlaqartuni katillugit ullut 30-t sinnerlugit sivisussuseqartumik sulinerter, siunnersuinerter assigisaasigulluunniit ingerlatsinikkut isertitaanngippata. Suliat suliffeqarfimmit, suliffeqarfimmut allamut atasuusumik, ingerlataappata, ingerlatat suliffeqarfimmit atasuusumit ingerlanneqartutut isigineqassapput, ingerlatat pineqartut, suliffeqarfimmit kingulliullugu taaneqartumit ingerlatanut annertuutigut assigissuseqarpata.*

*Imm. 5. Imm. 1, nr. 1-imut 5-imut, nr. 8, aammalu imm. 6-imi aalajangersakkat taamatut aamma Kalaallit Nunaata imartaani nunavittallu immap ataaniittup nalaani atuupput. Killilimmik akileraartussaatitaaneq aamma inunnut § 1, imm. 1 aamma 2 naammassinngikkaluarlugit umiarsuarni, timmisartuni, uuliasiorfinni il.il., aatsitassatigut pisuussutinik misissueqqaarnerni, misissueqqissaarerni aammalu piaanermi, tamatumani aamma nunamik sajuppillatsitsilluni misissuinerni, ruujorilersuinerter, pilersuinerter sullissinerter aammalu umiarsiarmik timmisartumillu assartuinerter aammalu ruujorikkut kulbrintinik pissarsiarineqartunik assartuinikkut Kalaallit Nunaanni, tamatumani aamma nunap imartaani aammalu Kalaallit Nunaannut atasumik nunavittap immap ataaniittup nalaani, ingerlanneqartuni inuttut sulinermut akissarsianut sunulluunniit atuuppoq. Akissarsiat imm. 6-imi malittarisassat malillugit naatsorsorneqassapput.”*

*Imm. 2 taamaasilluni imm. 6-iulissaaq.*

**2. § 19, imm. 2-mi “40.000 koruunit” allanngortissaaq imaalillugu: “60.000 koruuninut”.**

**3. § 19, imm. 3-mi “20.000 koruunit” allanngortissaaq imaalillugu: “30.000 koruuninut”.**

**4. § 19, imm. 4-mi “10.000 koruunit” allanngortissaaq imaalillugu: “15.000 koruuninut”.**

**5. Nutaatut § 22 a ilangunneqassaaq:**

**“§ 22 a. Selskabi § 1, imm. 1, nr. 3-mi pineqartunut ilaasoq, § 22, imm. 2-mi taaneqartunik annertussutsinit annikinnerusumik akileraartarnerteri nalikilliliarsimappat, selskabip nalikilliliinerter killiffigisai, selskabip pigisaasa § 22, imm. 2-mi annertussutsinut taaneqartunut nalikillilersimasinnaanerinut apparitinneqassapput, matuma ataani taaneqartunik pisoqartillu-gu:**

**1) Aktiatigut piginneqataassutigulluunniit aningaasaatit 30 procentii amerlanerusulluunniit ukiup aningaasarsiorfiup naanerani ukiup aningaasarsiorfiup pineqartup aallartinneranit aktiaateqartunit imaluunniit peqataasunit allanit pigineqalersimappata,**

**2) Selskabimi aktiat taasisinnaassuseqarnerilluunniit agguataarsimanerat ukiup aningaasarsiorfiup ingerlanerani, ukiup aningaasarsiorfiup siuliani agguataarsimanerannut sanilliussinerter, annertuumik allannguuteqarsimappat,**

**3) Selskabip suliai ukiup aningaasarsiorfiup ingerlanerani, ukiup aningaasarsiorfiup siuliani suliarisimasaanit annertuumik allanngorsimappata,**

**4) Selskabi allanik kattuteqateqarsimappat, agguataarneqarsimappat allatulluunniit assingusumik allannguuteqartinneqarsimappat.**

*Imm. 2. Imm.1-imi aalajangersagaq atuutinngilaq*

**1) selskabinut børsenimi nalunaarsugaasunik aktiaqartunut, imaluunniit**

**2) § 57-imi aamma § 58-imi taaneqartutut piginnittuuneq kinguaariinni tullernut nikinneqarsimappat.**

*Imm. 3. Selskabimi imm. 1-imi pineqartunut ilaasumi aningaasaatit 25 procentii amerlaneru-sulluunniit selskabimit allamit, peqatigiiffimmit imaluunniit taakkununnga assingusumit (selskabimit piginnittuusumit)*

pigineqarpata, selskabimi piginnittuusumi aktiaateqartut peqataasulluunniit, selskabimi aningasaatnik piginneqataanermik annertussusii naapertorlugit, sel-skabimi pigineqartumi aningasaatnik piginnittutut isagineqassapput, selskabimi piginnittuusoq pinnani. Tamannali atuutinngilaq selskabip piginnittuusup aktiai børsenimi nalunaarsugaappata.

*Imm. 4. Naalakkersuisut imaluunniit Naalakkersuisut tamatumunnga pisinnaatitaat, pissutsit immikkut ittut tamanna inassutiginartippassuk tamakkiisumik ilaannaasumilluunniit imm. 1-imi aalajangersakkaniit allaanerusumik immikkut akuersissuteqarsinnaapput."*

**6. § 75-imi, imm. 3, nr. 2 imatut oqaaasertaqassaaq:**

"2) Kingornussarsiassat, peqatigiffit tamat iluaqtissaattut tamanulluunniit ajungitsuliuutaa-sutut ingerlatsiviit, Kalaallit Nunaanni nalunaarsugaanngitsut, takuulli § 76, imm. 4."

**7. § 81, imm. 3-mi oqaaseqatigiit siullit tulliisut ilanngunneqassaaq:**

"Nassuaatit Kalaallit Nunaanni suliarineqassapput. Paasissutissat sukumiisumik nassuaatip suliarineqarneranut tunngaviusut kiisalu paasissutissat akileraaruseriffiup aningasarsiat A-nik tunniunneqartunik misissuinissaanut pisariaqartut Kalaallit Nunaanni toqqortaatigineqassapput. Oqaaseqatigiinni siullermi appaanilu taaneqartut atuutinngillat nunap akileraarutinik unerartitsinissamut pisussaaffeqartup nunagisaa Kalaallit Nunaatalu akornanni Kalaallit Nunaannut akileraarutinik unerartitsinissamik isumaqatigiissuteqartoqarsimatillugu."

## § 2

Inatsit 1. januar 2010-miit atuutilissaaq, takuulli imm. 2.

*Imm. 2. Inatsisisatut siunnersuummi nr. 5 ullormi 25. september 2009-mi atuutilissaaq.*

*Imm. 3. Suliffeqarfiit, aningasarsianit akileraarutit pillugit Inatsisartut inatsisaanni § 2, imm. 2-mi pineqartunut ilaasut, takuuk inatsimmi tassani § 1, nr. 1, inatsisip atuutilinnginnerani Kalaallit Nunaanni aatsitassatigut pisuussutinik misissueqqaarnermut, misissueqqissaar-nermut aammalu piiaanermut, matuman aamma Kalaallit Nunaata imartaani aammalu Kalaallit Nunaata nunavittaata immap ataaniittup nalaani, aningasartuuteqarsimasut ukiumut aningasarsiorfiusumut 2009-mut ukiunilu aningasarsiorfinnut siuliinut aningasarsiatik akileraaruteqaataasussat ataatsimoortillugit naatsorsorsinnaavaat. Aningasarsiat malittarisassat aalajangersimasumik ingerlatsivinnut atuuttuusut malillugit naatsorsorneqassapput, takuuk § 2, imm. 1, nr. 10, aammalu § 2, imm. 6-imi malittarisassat malillugit. Taamaaliornikkut amigartoorutit naatsorsorneqartut § 30-mi malittarisassat malillugit saqqummiunneqarsinnaapput, aningasarsianillu akileraaruteqaataasussanit naatsorsorneqartunit ilanngaatigineqarsinnaallutik. Aammattaaq aningasarsianit akileraarutit pillugit Inatsisartut inatsisaanni kiisalu akileraaruserinerrik ingerlatsineq pillugu Inatsisartut inatsisaanni aalajangersakkat taamatulli atuupput.*

*Kalaallit Nunaanni Namminersorlutik Oqartussat, ulloq 30. november 2009*

/

Palle Christiansen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut